



UNIVERSITÄTS-
BIBLIOTHEK
PADERBORN

Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

76. Ioanna Constantinopolitana, Flandriae & Hannoniae Comitissa,
coenobium Dominicanorum in vrbe Valentiane[n]si fundat, an. 1223.

urn:nbn:de:hbz:466:1-10903

admoniti à Decano & Capitulo, ad sacros ordines non sint promoti, nisi Decano & Capitulo videatur aliud pro utilitate Ecclesiae faciendum.

Auctum anno gratiæ millesimo ducentesimo vicesimo sexto, men- 1226.
se Augusto.

N O T A T I O N E S .

In augusta S. Michaelis basilica, quæ nunc S. Gudilæ dicitur, duplex residet Canonicorum collegium, maius scilicet & minus. Ex his prius est XII. Canonicorum, à L A M B E R T O Baldrico, Comite Brabantensi ac Louaniensi, an. 1047. fundatum: cuius diploma tom. 1. Codicis nostri cap. 48. recitauimus. Alterum, quod est X. Canonicorum, condidit ac dotauit H E N R I C U S I. eo nomine Dux noster, frater S. Alberti Leodicensis Episcopi, Bruxellæ in cœnobio Carmelitanarum virginum quiescentis. Henricus autem anno 1235. obiit, Louanij ad S. Petrum in medio choro sepultus.

MATHILDIS) seu Machtildis, N. Comitis Boloniensis filia.

MARIA) Philippi Augusti Francorum Regis filia, prioribus nuptijs iuncta fuerat Philippo Nobili, Comiti Namurensi, de quo supra cap. 70.

DIDENGHEM) vicus, secundo lapide à Bruxella via Louaniensi, hodie Dighem.

GOLPA) nunc Hulpen, vicus tertio lapide à Bruxella, haut procul à Valle-viridi, Canonicorum regularium cœnobia in silva Sonia.

REÆDIFICARI.) Hinc liquet, augustum S. Gudilæ templum Bruxellense, quod hodie exstat, ab Henrico I. Brabantæ Duce ædificari cœptum.

C A P V T LXXXVI.

Ioanna Constantinopolitana, Flandria & Hannonia Comitissa,
cœnobium Dominicanorum in urbe Valentianensi
fundat an. 1233.

IOANNA, Flandria & Hannonia Comitissa, omnibus præsentes
litteras inspecturis salutem.

Nouerint

Nouerint vniuersi, quod cum Prior S. Saluij, & totus illius loci conuentus, & Ioannes presbyter parochialis B. Mariæ de Calceia, in Valencenis, Priori & fratribus de ordine Prædicatorum liberaliter concessissent, ut in loco eis assignato, in manso Iacobi de Campania in Valencenis, liberè possent ecclesiam ædificare, cœmiterium liberum habere, oblationes recipere, & alia omnia facere, quæ ordinis eorum instituta requirunt:

Hoc saluo, quod si quis parochianorum ipsorum apud Fratres elegerit sepulturam, prius in parochia sua Missam habeat, nisi a sacerdote parochiæ, vel Persona fuerit relaxatum, pro recompensacione damnorum, quæ ex hoc ecclesiæ S. Saluij vel parochiali ecclesiæ loci prædicti possent euenire in posterum:

Ego pro fratribus Prædicatoribus ex parte vna, & dominus Prior & conuentus S. Saluij, & Ioannes presbyter parochialis B. Mariæ ex altera, compromissimus vnamiter in viros venerabiles, D. Decanum Christianitatis Valencenensis, Magistrum Gerardum Remensem, Canonicum Tornacensem, & Hellinum militem, dominum de Alneto; ratum habentes & firmum, quidquid ipsi super his dicant ordinandum.

Qui, consideratis omnibus diligenter, per arbitrium suum, de communi assensi partium, vnamiter prolatum assiguauerunt iam dictis Priori & conuentui quattuor bonaria terræ prati, sita iuxta domum ipsorum in communi pastura, in loco, qui dicitur Pratum communius, ab ecclesia S. Saluij perpetuò possidenda: quæ ego eidem ecclesiæ aduersus omnes homines garandire tenebor.

Dicti autem Prior & conuentus S. Saluij, presbytero parochiali B. Mariæ in Calceja, pro iure parochiali, quod in loco illo habebat aut habiturus erat, XX. solidos Valencenenses, in Natiuitate Domini, in ecclesia B. Mariæ super altare suum annuatim soluere tenebuntur.

Et pro hoc dominus Prior præfatus, cum toto conuentu suo, & presbyter parochialis iam dictus, me & Priorem & Fratres ordinis Prædicatorum ab omnibus damnis supradictis, & ab omni recompensatione pro eis facienda in perpetuum quitauerunt.

Concessimus autem omnes ex virtute parte, quod dicti loci arbitri possint dictum suum declarare & explanare, si quid forte occurrat ambiguum, secundum quod viderint expedire, cum à me vel Priore vel conuentu, vel etiæ à Fratribus antedictis fuerint requisiti.

Hæc

Hæc autem omnia per arbitros antedictos, & per meum, & per fratrum Prædicatorum ex vna parte, & Prioris & conuentus & presbyteri parochialis, qui supra nominati sunt, consensum vnanimiter, facta sunt & concessa. Quæ omnia ut rata sint & firma, præsentem paginam sigilli mei munimine roboraui.

Aetum anno Domini millesimo ducentesimo trecesimo tertio, 1233.
mense Octobri.

N O T A T I O .

S. SALVIUS) Episcopus Engolismensis, prope Valentianas, anno 801. martyrio est coronatus: vt Sigebertus tradit. Carolus Magnus Imp. sacrum eius corpus è terra leuauit, & ad vicinam S. Martini basilicam transtulit, cœnobio ibidem excitato, quod hodie est Prioratus monachorum ord. Cluniacensis: in quo etiamnum quiescit. Martyrologium Rom. & Fastos nostros Belgicos 26. Iunij consule.

C A P V T L X X V I I .

Abbatia monialium ord. Cisterciensis, dicta Refugium B. Mariae, Athi in Hannonia, fundatur per Ioannam Constantino-politanam, Flandriæ & Hannoniæ Comitissam, anno 1234.

M ARGARETA Flandriæ & Hannoniæ Comitissa, vniuersis praestes litteras inspecturis salutem.

Noueritis nos litteras felicis recordationis carissimæ dominæ, sororis nostræ, IOANNAE quondam Flandriæ & Hannoniæ Comitissæ, non concellatas, non abolitas, nec in aliqua parte sui vitiatas vidisse in hæc verba:

IOANNA Flandriæ & Hannoniæ Comitissa vniuersis presentes litteras inspecturis salutem in Domino.

Præsentium testimonio notum facimus vniuersis, quod cùm quædam monialæ Cisterciensis ordinis, filiæ Claræ-Vallis, in villa vel prope villam de Audenarde, inhabitandi gratia consedissent, ibique mansiunculas suas ædificare cœpissent, nos dictum locum diligentius

Y confide-